

Забидий / ВАҲИЙНИНГ БОШЛАНИШИ КИТОБИ / 1501-ҳадис

1501/3730 – عَنْ عَبْدِ اللَّهِ بْنِ عُمَرَ رَضِيَ اللَّهُ عَنْهُمَا قَالَ: بَعَثَ النَّبِيُّ صَلَّى اللَّهُ عَلَيْهِ وَسَلَّمَ بَعَثًا، وَأَمَرَ عَلَيْهِمْ أُسَامَةَ بْنَ زَيْدٍ، فَطَعَنَ بَعْضُ النَّاسِ فِي إِمَارَتِهِ، فَقَالَ النَّبِيُّ صَلَّى اللَّهُ عَلَيْهِ وَسَلَّمَ إِنَّ تَطَعُنُوا فِي إِمَارَتِهِ، فَقَدْ كُنْتُمْ تَطَعُونَنِي فِي إِمَارَةِ أَبِيهِ مِنْ قَبْلُ، وَإِنَّمَا اللَّهُ إِنْ كَانَ لَخَلِيفًا لِلْإِمَارَةِ، وَإِنْ كَانَ لَمِنْ أَحَبِّ النَّاسِ إِلَيَّ، وَإِنَّ هَذَا لَمِنْ أَحَبِّ النَّاسِ إِلَيَّ بَعْدَهُ.

1501.3730. Абдуллоҳ ибн Умар розияллоҳу анҳумодан ривоят қилинади:

«Набий соллаллоҳу алайҳи васаллам бир черик жўнатдилар ва унга Усома ибн Зайдни амир қилдилар. Айрим одамлар унинг амир бўлишини қоралашди. Шунда Набий соллаллоҳу алайҳи васаллам: «Унинг амир бўлишини қоралаган бўлсангиз, илгари унинг отаси амир бўлганини ҳам қоралагансиз. Аллоҳга қасамки, албатта, у амирликка жуда муносиб эди. У менга одамларнинг энг суюклиларидан эди, бу ҳам менга одамларнинг ундан кейинги энг суюклиларидандир!» дедилар».

Изоҳ: Расулulloҳ соллаллоҳу алайҳи васаллам Усома розияллоҳу анҳунинг отаси Зайд ибн Ҳориса розияллоҳу анҳуни илгари Муъта ғазотида амир қилган эдилар. Ўшанда ҳам кимлардир унинг амир бўлишига рози бўлмаган, аммо оқибатда унинг бу ишга энг муносиб одам экани маълум бўлган эди.

Манба: hadis.islom.uz



HADIS.ISLOM.UZ
NUBUVAT MARVARDLARI

